

*Bot legt d' straf
auff*

Zum Vierdenn. das David gestrafft wart. vor sein
sünd, ist vor mich. dan ich im Teutschen sermon gesagt
hab am sibenden artickel. das got die straff aufflegt, vñ
niemant mag sie ablegen. darumb wirt die schrifft aber-
mals gecreuziget. vnd die straff Davids geczogē in die
puß. die der. h. U. B. mag ablegen. das ist menschen ge-
schwecz. dann der selb sibend artickel. gantz clar mich
vorcleret. also das ich das dritte teil der puß vorneine
nit die gutten werck von gott gepotē. ader die leidē vñ
straff. sundern die puß. ader gnugthuung. die das ablas
kan ablegen. die sag ich. wirt niemant auß der schrifft
beweren. das sie got fordere. sundern er befilet das dem
h. U. Bapst. vñ der kirchē. Do er sagt czu sanct Petro.
Was du pindest auff der erden. fall gepunden seyn im
hymel. vñ was du loszest. fall losz sein. ꝛc Der h. U.
Bapst hatt woll voln gewalt, nit wie die schedlichenn
schmeichler sagen. alle dinck czuthun. was dem mens-
chen not ist czur selickheit. dann mit denn wortenn were
Christus außgeschlossen. sundern hat empinden alle sün-
de. die gepeicht werden. Aber hat nit gewalt in gottes
gericht vnd radt czu fallen. darumb auch nit mag ables-
gen peyn so sie gott. adder gottlich gerechtickheit auffles-
gte. dan er nit saget czu S. Petro. Was ich pinde. saltu
loszen. Sundern was du loszest. fall losz sein. darauß nit
folget, das mein pinden darumb auch losz sey, sundern
deyn pinden ist losz. Aber vnser vorlegere, habē yhu die
ge. wait genomē. Die schrifft nach yhrem kopff czurichtē,
darumb vorsteen sie dnynnen nit was dnynnē ist, sundern
was sie wellenn. Kan doch keyn Bischoff loszen, was
der Bapst pindet, wie vornessen sich dan die schedlichē
schmeichler, den Bapst vnd die kirch mit yhm so czuuo-
furen, das er sich vnterwinde czu loszen. Was seyn got
pindet, so er doch vnmeslich weniger gewalt hatt, yn
gottes gewalt, dan ein Bischoff yn seynen gewalt.

*Sünd d' geist
sünd hat d' papst*

*Erstgen gewalt mit
gott gewalt*

Darumb yrren vnd trigen alle die, die do sagen, das
durch ablas, peyn adder werck der gnugthuung von
got auff gesetz, muge abgelegt werden, vnd wollen der
kirchen gewalt mit gottes gewalt vornischen, vnd ers

6